

Hebreeuse Wortels of Hebreeuse Worstelinge?

Wat is erger? Misleiding vanuit die Christelike (insluitend Rooms Katoliek, waaruit Christendom ontstaan het) leer, die Messiaanse leer of Rabbynse Judaïsme? Lees mooi, vriend of vriendin. Hierdie is nie spesifieke leerstellings in elkeen van hierdie groepe nie. Hierdie is die MISLEIDING midde-in hierdie leerstellings – hetsy Christelik, Messiaans of Judaïsme! Misleiding beteken die aangehegte gedeelte wat nie oorspronklik deel van die leer was nie – dít wat ons nie in die Skrif lees nie. Onthou die woorde van God:

Julle mag by die boodskap wat ek julle beveel, niks byvoeg nie en ook niks wegvat nie, om die opdragte van יהוה, julle God, te onderhou, wat ek julle beveel. Deuteronomium 4:2.

Ironies dat dit bevestig word, wat beteken dat God baie ernstig hieromtrent is:

en wie ook al iets van die boodskap van hierdie profesie uit die boekrol wegvat, God sal sy deel wegvat uit die boekrol van die lewe en uit die afgesonderde stad uit, die dinge waarvan in hierdie boekrol geskryf is. Openbaring 22:19.

Daar is misleiding in elke vorm van geloof, of geloofspad, soos dit eintlik behoort genoem te word. Slegs wanneer Y'shua onvoorwaardelik gevolg word, is daar geen misleiding nie.

Y'shua antwoord hom: "Ek is, was, sal wees Wie Ek is, was, sal wees, die Pad, die Waarheid en die Lewe; niemand gaan na My Vader toe, behalwe deur My nie." Yog 14:6.

Baie Christene en Jode het alreeds wakker geword vir die misleiding in hul gemeentes / sinagoges, selgroepe, byeenkomste, individue en soek oral rond vir ander vorms van aanbidding tot die enigste, ware Deuteronomium 6:4 God. Wanneer hulle egter by sekere Messiaanse of Hebreeuse Wortels groepe uitkom, verwar dit hulle meer as wat dit hulle versterk, want alles "moet Joods wees". Regtig? Is dit in Skrif?

Baie mense, meesal Christene of diégene wat daaruit beweeg het en "iets (iemand?) anders" volg is baie vinnig om te sê mens moet die vis eet en die grate uitspoeg. Eintlik is hierdie stelling heeltemal verkeerd, want indien jy weet die vis het grate in, behoort jy dit eers uit te haal voordat jy dit eet! Alternatiewelik, indien jy vooraf weet dat die grate giftig kan wees, behoort jy nie eens die vis te eet nie. Daar is deesdae genoeg bronne wat jou vooraf kan waarsku van groot, klein, geen of giftige grate – die beste is Ruach haQodesh, die Heilige Gees! Daar is inderdaad gif in elke vorm van Christendom, die Messiaanse Beweging en Judaïsme!

Die Jode in die tyd van Y'shua het Hom verwerp, daarom moet die ware gelowige in Y'shua sy broer Y'udah tot jaloesie bring (God en Y'shua se woorde):

Toe hulle van hul af weggaan, het hulle wat van ander nasies is hulle gevra dat hulle die volgende Shabbat hierdie boodskap by hulle sou bring. Handeling 13:42.

God sê vir ons in Sy wonderbaarlike verlossingsplan:

Nou, Yisra'el, wat vra יהוה, jou God, van jou as net om יהוה, jou God, respektvol te vrees, in al Sy paaie te loop, Hom lief te hê en יהוה, jou God, te dien met jou hele verstand, wil en emosie en met jou hele gees en lewe. Deuteronomium 10:12.

Kyk hier:

...maar toe die Jode die skare mense sien, is hulle met woede vervul en het met bose woorde weerspreek wat deur Sha 'ul gesê is. Handeling 13:45

Kefa (Petrus) leer ons:

As julle beledig word oor die Karakter en Outoriteit van Die Gesalfde Een, is julle gelukkig omdat die Gees van eer, lof en aanbidding van God op julle rus, 1Kefa 4:14.

Die profesie wat Shim'on oor Y'shua uitgespreek het:

en Shim'on het hulle geseën en vir Miryam, Sy moeder gesê: "Let op, hierdie Een is bestem vir die val en opstaan van baie in Yisra'el en bestem as 'n Teken wat weerspreek sal word, Luka 2:34.

maar ek vra: "Het hulle gestruikel sodat hulle geval het?" 'n Verwerplike gedagte! Intendeel, deur hulle struikeling het daar verlossing vir die ander nasies gekom, om hulle jaloers te maak. Romeine 11:11.

Dit het gewerk, want hulle was jaloers gemaak, selfs venynig, volgens Skrif en Sy bedoeling aangaande hulle, selfs 'n teken waarteen hulle sou baklei, volgens God se wil.

Ons lees hier

In eenheid met Hom is ons gekies soos Hy ons vroeër aangestel het en het Hy gewil dat Hy alles sal doen volgens die doel van Sy wil. Efesiërs 1:11.

Hulle het My jaloers gemaak met wat nie God is nie, My uitgetart tot woede met hulle afgode. Ek sal hulle dus jaloers maak met dié wat nie 'n volk is nie, deur 'n dwase nasie sal Ek hulle uittart tot woede. Deuteronomium 32:21.

Deur nasies sien ons wysheid.

Bewaar en doen hulle, want dit is julle wysheid en julle begrip voor die oë van die mense wat al hierdie reëls sal hoor en sê: "Waarlik, hierdie groot nasie is 'n wyse en begripvolle volk,'

5 Let op, ek het vir julle reëls en wette geleer, net soos יהוה, my God, my beveel het, vir julle om so te doen in die land waarheen julle gaan, om dit te besit. 6 Bewaar en doen hulle, want dit is julle wysheid en julle begrip voor die oë van die mense wat al hierdie reëls sal hoor en sê: "Waarlik, hierdie groot nasie is 'n wyse en begripvolle volk"
Deuteronomium 4:5-6

Hier lees ons weer

maar wat dwaas is by die wêreld, het God gekies om die wyse te beskaam en wat swak is by die wêreld, het God gekies om die wat sterk is, te beskaam. 1 Korinthiërs 1:27.

en dan

Vanuit Hom is julle in eenheid met Die Gesalfde Een, Yeshua, wat vir ons die Wysheid van God, Onpartydige Opregtheid, Afgesonderdheid en Verlossing geword het. 1 Korinthiërs 1:30.

Dit word gesê in die Skrifte: "Let op, Ek lê in Tziyon 'n goedgekeurde en kosbare Hoeksteen en hulle wat in Hom vertrou, sal nooit beskaam word nie." 1 Kefa 2:6

soortgelyk sien ons

Sha'ul het al kragtiger geword en die Jode wat in Dammesek bly, verontrus deur te bewys dat hierdie Een Die Gesalfde Een is. Handeling 9:22

Rabbi Sha'ul (Paulus) kon selfs die rabbi's en hul navolginge verontrus (he confounded them) volgens die meeste populêre Engelse vertalings, deur hierdie stellings.

Hiermee word nie beweer dat nie-Joodse nuwe bekeerlinge of Messianse Christene engisins meer weet, beter is of reeds die doelwit bereik het nie. Die "nuwe (Handeling 2) kerk" vervang ook nie Jode nie, want almal van hulle was in elk geval Jode! Dit is absurd om te dink God kies Jode met die uitstorting van Ruach haQodesh, net om hulle later weg te gooi! Die werklike kerk is alreeds gestig by Sinai met die geskenk van die Tien Woorde – Shavuot (Pinkster). Daar is egter daagliks by die kerk (van God) gevoeg:

terwyl hulle God prys soos hulle omgee ontvang by al die mense. Ons Meester het daagliks, die wat tot lewe gekom het, by die gemeente gevoeg. Handeling 2:47.

Ruach haQodesh rus elke persoon wat 'n ontmoeting met Y'shua gehad het, beide Jode en nie-Jode, toe om die Woord van God te verkondig. Hierdie opdrag het Hy self (vir Jode) gegee:

Gaan daarvolgens, maak studentevolginge van al die nasies, doop hulle in die Karakter en Outoriteit van die Vader en die Seun en die Gees wat Afgesonderd is. Mattityahu 28:19.

Na Sy hemelvaart is dit ook uitgebrei na nie-Jode. In sommige opsigte mag die Jode dalk meer weet van Torah as Christene, terwyl Christene weer die Verlosser persoonlik ervaar het, soos rabbi Sha'ul.

Omdat Torah ons ontnem is, is dit belangrik dat ons by Jode leer wat hulle weet, solank dit nie teenstrydig is met Torah nie. Soortgelyk moet ons hulle leer van Y'shua, sonder enige soetsappige evangelisering – die waarheid en niks meer of minder nie.

Hein Zentgraf.

zentie.hr@gmail.com

-0-0-0-0-0-0-0-